

MERIC CASAVBON  
VANGEV R.

701. C. 3.  
2

CONTRE

Les Imposteurs qui nagueres, souz le nom  
d'ISAAC son Pere, ont publié vn Liure  
inepte & impie, *De l'Origine de*  
*l'Idolatrie, &c.*

Publié par commandement de S.M.



A LONDRES,

Par BONHAM NORTON & IBAN  
BILL, Imprimeurs du Roy.

M. DC. XXI II.



# A TRESHAVT ET PVISSANT PRINCE,

*Monseigneur le Prince de Gales.*

Grand Prince,

**T**out ce qui part de ma main est si specialement, & iustement deu à V. A. que ie ne pourroy l'adresser ailleurs, sans luy faire tort, & à moy honte. l'apartien à celuy à qui ausi, voire à vne relation si étroite, vous appartenez, que nul ne peut appartenir à S. M. que par mesme droit il n'appartienne à V. A. nul estre à luy, qui ne soit à vous. Et l'appartenoy à celuy de tous les droits de qui vous auez si heureusement & vniuersellement herité, que mesme par ce seul nom ie doy estre vostre, d'autant plus qu'en recueillant les diuerses pieces de ce grand débris, vous n'avez pas mesme negligé de daigner succeder aux bons desirs qu'il auoit de me bien faire. Iusque là que sa feu' Alt<sup>e</sup> de haute memoire, m'ayant apres quelques menus efforts de seruice, temoigné les riches effets de sa bien veillance, en vne sorte, selon l'habit ou ie viuoys lors; V. A. à eu agreable de me temoigner la sienne d'une autre sorte, selon la robe qu'aujourd'hui ie porte; auant mesme que i'eusse bien regardé par où commencer à luy rendre quelque service.

Mais en outre, & par deux titres plus particuliers, ce present ouurage vous est droitement acquis. L'original en fut dedié à V. A. par Casaubon; & elle daigna fauorablement le recevoir. Et le premier ceuvre (contre lequel par commandement ausi de S. M. cette translation sort) ayant eu tant d'effronterie de se doñer à vous mesme; vilement infame qu'il est de tous les costez, &

stigmatizé de double & double imposture, tant en l'Original que traduxion; il est tresjuste qu'à vou-mesme en soit presentee la refutation & le chatiment: afin que ce liure succedât heureusement & justement à l'honneur dont ce fauz Rabin de pieté contrefaite a meritoirement esté depouillé, on voye sur la table de votre chambre sacree, & en vos royales mains, la digne reparation & vangeance de l'affront trescriminel & profane fait à V. A. & en sa personne à toute l'Eglise, & primitive & presente.

Comme il à plu à V. A. non seulement pardonner, mais aussi en quelque sorte par les gracieuz effets de sa faueur, allouer la liberté, possible un petit trop auancee, & vraiment françoise, de m'eestre si franchement declaré au petit Poeme Latin dont je pris hardiesse de saluer V. A. à son heureux retour pardeça; & (côme le bon sang ne peut mentir) non seulement, crier France France, mais l'imprimer, lors que chacun crioit un autre pays, on ne disoit mot: Ainsi espere-je qu'il luy plaira accepter ce petit Ecrit, qui luy appartient par tant de raisons. Dieu donne à V. A. un cœur large, avec une longue concatenacion d'heureuses annies, pour continuer constamment à l'honneur de Dieu, au bien de l'Eglise, & du Roy & du Royaume, & de toute la Chretienté, les sauourenz fruits de cette gracieuse pieté & graue prudence qu'elle nous fait tous les jours goûter en son plus verd aage. A quoy ne manqueront jamais les chaudes prieres de celui qui sera toute sa vie.

Monseigneur

De V. A.

Le tres humble & tres obeyssant  
Seruiteur,

I. L. D. T. P. A.





## AV ROY.

Sire,

**L** faut que i'auoue deuoir à V. M. ce que depuis peu de iours i'ay fait en deffence de mon pere, quoy que ce puisse estre. Car quand je su que V. M. s'estoit grieuement courroucée contre ces Imposteurs qui ont osé blesser sa memoire, & les auoit fait chatier; I'ay eu honte, estant son filz, de n'apporter rien à sa reuenge; & ne contribuer tout ce qui estoit en moy, à vn si pieux office. Mais il n'est pas

icy tant question de la personne, que  
de la verité mesme; laquelle V.  
M. a eu à dédain de voir mal  
traitee, quoy qu'en vne bonne cause,  
par vn Escriuain de zele inconfi-  
deré. Il faudra que cy apres vos  
Aduersaires jugent plus equi-  
tablement de vous, quand V. M.  
detestera les mensonges impudens,  
dont ilz ont coutume de palier leur  
chetiue cause; voyans que n'auiez  
voulu permettre que ceux qui sem-  
blent entreprendre la deffence d'une  
bonne, les combattent par men-  
songes. Iouysent hardiment de  
leurs vanitez ces foibles espritz, à  
qui toutes choses plaisent, qui pro-  
mettent à tors, & trauers la tuiti-  
on des opinions qu'ilz professent.  
Tant ya, que ce a esté vn point digne  
d'un

d'un grand Prince, en qui la vraye  
doctrine compete avec vn droit  
zele de sincere pieté & Religion;  
et de découurir des faussetez telles,  
couuertes d'un voile si specieus; et  
découuertes, les auoir en haine.  
Bienhenreuse, mille fois bienheu-  
reuse nostre foy, souz vn si glorieux  
Deffenseur! Car qui ne verra celle  
estre la vraye & pure doctrine, la-  
quelle mesme vous ne souffrez qu'on  
maintienne d'autres armes, que de  
la pure verité. Cest donc à vous Sire,  
que i'offre ce peu, que pour sa def-  
fence, & par elle mesme, i'ay tracé  
icy; non tant pour ce qu'il estoit ia vo-  
tre, auant sa publication, cōme prin-  
cipalement pour opposer l'autorité  
de votre fort iugement, & du Sou-  
uerain pouuoir à l'effort d'une sou-

ueraine imposture, si effrontee d'a-  
uoir osé recommander à la tutelle  
d'un tres-grand, & tres-religi-  
eux Prince, vn liure si fauz,  
& de si fauz titre. L'Eternel nous  
conserue longuement & à l'Eglise  
V.M. saine, & sauue, florissante  
en toute espeece de splendeur & feli-  
cité.

De V.M. le tres-humble

Seruiteur, & Sujet,

MERIC CASAVBON.



M E R I C  
*CASAVBON*  
VANGEVR.



Combien & diuer-  
ses sortes d'iniures le nom  
des personnages notables  
deffunts, est suget, plust à  
Dieu que ie l'eusse pu ap-  
prendre plutôt d'ailleurs, que par vn ex-  
emple domestique. Il me sembloit bien  
auoir suffisamment fourni ma tasche,  
ayant, n'a pas encor si long temps, re-  
futé les calomnies diuerses de ceux, qui  
guerroyans souz diuers enseignes, auoy-  
ent hostilement osé attaquer la memoire  
de mon Pere. Mais ceux là, pource qu'ilz  
estoyent ennemis ouuers, & de plus, ou-  
uertement contraires en mesme cause,  
sembloyent ensemblement & moins  
B dange-

dangereux, pource moins à craindre. Aujourd'huy i'ay affaire à vne autre espeece de gens, qui ne pretendans rien moins que la malveillance, haine, & deshonneur de mon Pere, ont abusé de son nom à leurs propres fins, & auantages. Mais tant moindre soupçon y a-il d'iniure, & plus grieve & atroce est elle, lors qu'il y en a.

Il y a eu icy vn liure subrepticement imprimé, puis quelques semaines, souz le nom d'Isaac Casaubon. Si on en considere l'argument, il ne differe beaucoup de ses autres oeuvres, tant ia publiques, qu'à publier, comme verrons cy apres. Si le lieu d'ou ce liure sort, qui eut onc pensé que de Londres pût partir chose quelconque au reproche de Casaubon; là ou tant qu'il a vécu, il a esté bien voulu de ce grand Roy, & des principaux du Royaume; & ores qu'il est decedé, sa memoire, (permis me soit de le dire) est chere & precieuse entre tous les gens de bien? Et quant à celuy qui a fait imprimer le liure, il se laisse tellement emporter

porter aux louanges de Casaubon, qu'il semble par ses eloges vouloir contribuer autant qu'il peut à sa gloire. Mais si vous parcourez, seulement le liure; vous le trouuerez bien tôt estre tel, qu'il ne peut estre attribué a Casaubon sans vne iniure, & infamie souueraine; plein qu'il est d'une ignorance plus que tresgrosfiere, & de malice; & sur tout d'une tresinsolente auidité d'innouatiō en matiere de Religion: Auteur en vn mot, quel qu'il puisse estre, tresdigne (pour ne dire pis) du titre de schismatique, & certes de grief supplice, étant non moins ennemy de toute l'Eglise primitiue, & cōsequemment de notre presente Eglise Anglicane, qu'inique a la memoire de Casaubon.

Mais ce n'est chose, ny nouuelle, ny emerueillable, de voir des liures de fausse doctrine, estre attribuez à des personages, & pieux, & orthodoxes. Il n'y a coquin de la lie des heretiques, qui n'ait des long temps ioué tel tour de souplesse, pour authoriser ses opinions pernicieuses chez les simples, & tascher de les

detourner de la droite voye , par la reputation de quelque Auteur signalé. De là est venu quetant de mechans & pestilentieux Ecrits, ont jadis esté imposez aux saints Peres Orthodoxes ; & encore aujourd'huy n'y en a pas peu qui ont vogué souz leur nom ; dont plusieurs voirement ont esté vrais liures, eu égard à leur premiere origine ; mais tellement depuis corrompus & adulterez par des mains faussaires, que les propres peres ne peuvent sinon justement les renier. Dont vn seul Origene, pour tous, nous peut faire foy ; lequel jadis ayant esté mis au rang des plus grans herosiarques, est neantmoins passionnément maintenu orthodoxe par plusieurs modernes, & anciens, témoignant plusieurs points luy auoir esté faussement imposez par les heretiques, & ses liures autrement purs & synceres auoir esté faussement farciz, & falsifiez ; oomme entre ses Anciens Defenseurs, S. Ierome, Vincent de Lerins, & autres, ont laissé par écrit. Mais pour abreger, soit qu'on vucille chercher des exem-



exemples de cette espee d'imposture, ou bien és siecles premiers, ou és presens; j'ose affirmer qu'il n'y eut iamais liure supposé avec telle effronterie, & si remarquable, comme ce fruit bâtard a esté à Casaubon: & n'est ja besoin d'aller requester fort loin les desseins qu'ont eu les Auteurs d'une telle fraude, & qui les a poussez à vn si indigne tour. Premièrement y a grand soupçon que ce dart ait esté lancé deffouz main par quelque secret, & cauteleux ennemy iuré de l'Eglise; ou possible, pour satisfaction de quelque hayne particuliere, quelque vn a tasché en cette sorte d'offenser la reputation de mon Pere; ou plutôt, vn pauvre ignorant mercenaiement beant a vil lucre, ayant trouué ce liure ja de long temps imprimé, qu'il a jugé devoir estre quelque grand chose & assez rare, a fait complot avec quelque chetif Imprimeur, de le publier souz le nom de quelque digne personnage, n'en esperant pas petit profit. Et semble que cette derniere raison soit la plus vraye,

comme l'ont trouué ceux à qui l'examen de tout cet affaire a esté cômis. Quelque chose de plus secret, qu'il puisse, (comme certes il peut) y auoir d'ailleurs; cependant qui ne deploiera la condition de ces milerables temps, esquels certains vagabons totalement ignorans, & sans lettres, petites ne grandes, mais qui pis est, vilains, & infames, s'olent vendiquer le jugement des liures, qui peuuent profiter au public, & meriter de voir le iour. O pauvre Theologie! forcee par ce moyen d'estre le haure & refuge de tous malotrus, contrainte malgré qu'elle en ait, de souffrir parmy, & pour les chers nourrissons, vne espeece abjecte de vilz maquignons, qui pour leur sale gain la prostituent a tous venans! Mais certes aussy c'est tresgrand pitié, que la plus grand' part de cette faute reside dans les esprits de la populace; qui s'estans vne fois persuadez qu'vne grande partie de la pieté consiste en discours, & en vne vaine ostentation de grande lecture, court à gueule bée apres les liures nou-  
ueaux,

ueaux, comme les Atheniens jadis apres les nouuelles. De sorte qu'il n'y a plus de lieu de s'esmerveiller, de voir aujourd'huy sortir au jour, tant d'ouurages cruz, fats & fades, y ayant tant de lanterniers tous jours prêts à acheter des fades & badineries. Mais quoy qu'il n'y ait point de merueille que les faussaires de ce temps croient aisément, qu'encor plus aisément ilz abuseront le peuple ignorant, & leur en feront tout du long à croire, n'est-ce point vne effronterie desmesuree, qu'ilz n'ayent point apprehendé de tromper aussy, & appeller pour temoins & protecteurs de leurs tromperies, ceux qu'ilz en deuoyent craindre comme les vangeurs. O licence effrenée du siecle! qu'un gros hibou, qu'un vray Chat-huant, & beste nocturne, coupable en son ame, (s'il en sent vne) d'une souveraine imposture, dol, & adulteration, ait eu l'impudence de dedier son ouurage, à bon nombre de Seigneurs nobles, & notables; mais sur rous à vn Prince religieux, & grandement

dement amateur de la verité, sous espoir de je ne say quel gain mercenaire. Mais laissant là cet affronteur, pour vn vray vau-rien & reuendeur de baliuernes, tel qu'il est, afin de venir au liure mesme; certes je ne pense pas, qu'entre tous ceux qui font quelque profession de lettres, peu ou prou, il y en ait vn seul si grossier, au moins s'il a si peu que ce soit halené les Escrits de feu mon Pere, ou l'ait pratiqué durant sa vie, qui lisant ce liure, ne reconoisse aussi tôt la fourbe, & n'en deteste la fausseté & forfanterie. l'eusse donc bien peu sauuer ce labeur, si ce maudit liure n'eust eu qu'à tomber es mains de ceux qui en peuuent meurement juger, & sauent discerner le faux du vray. Mais ayant esté escrit en langue vulgaire, & auidement receu de quelques vns d'entre le peuple ignorant & mal disposé, non mesme sans louange & approbation temeraire; afin que je deliure les ignorans de leur erreur, & rachete mon Pere d'un soupçon inique, j'ay entrepris d'examiner briefuement l'œuure,

l'œuvre, & l'ayant despouillé de ses fards & desguisemens, l'exposer nuement à la veuë publique, en ses couleurs naturelles.

Premierement donc quant à son vrai pere & Auteur, s'il est blanc ou noir, uif ou mort, François ou Anglois, ou quel qu'il puisse estre, je confesse sincerement n'en sauoir, ny pouuoir imaginer chose du monde par voye que ce soit : Pour possible de donner lieu à quelque soupçon de haine ou mal-veillance; & que tandis que par justes armes je deffen mon Pere, je ne uienne à estre moins charitable-que de raison, vers quelque Escriuain inconnu. Quant à la religion, je ne doute point que je ne face plaisir à beaucoup, si je dis franchement qu'il n'estoit Papisste, ains certes ( ce semble ) leur grand ennemi; au moins en ceci croy-je auoir souuerainemēt exprimé les louanges de l'Auteur, & totalement satisfait à ceux qui tiennent incontinent pour tref-orthodoxe, quiconque se declare ennemi des Aduersaires; & ont ac-

coustumé de mesurer la bonté & integrité de la foy, par la haine & continuelles inuectiues, à bis ou à blanc, cōtre les Papistes. Iusques là que je me ressouuiens tout à coup de craindre; que pour ce que je n'approuue vn liure, dont le titre promet estre contre le Sacrifice de la Messe, ni ne le recognoi pour ouurage de feu mon Pere; & le Pere & le Filz, comme coupables & conuaincus de mesme crime, soyons condamnez sur l'etiquete, par nos nouueaux zeles, comme doubles Papistes, excommuniez & reingrauez. Or bien qu'il fust assez grief, de donner la moindre occasion de scandale, voire aux moindres & plus foibles membres d: l'Eglise; toutefois l'amour de la verité doit auoir plus de poids vers moi, & tout bon Chrestien, pour la defendre, que les gousts & jugemens deprauez d'aucuns, pour me destourner d'un si bon dessein. Certes à mon jugement celui là fit bien, qui definit premier la vertu estre ce qui est de part & d'autre également au milieu des vices.

vices. Ce qui n'est pas entendu des vertus pratiques ou morales tant seulement; mais de quelques intellectuelles & spirituelles aussi, comme est la propre connoissance de la verité. Ceux donc qui font estat de la suiure, nommément en matiere de religion, ce n'est nulle merueille, & de les voir contraires également à deux extremes, & pareillement persecutez de l'un & de l'autre. Et quiconque est posé ainsi au milieu, comme dans son centre; quoi qu'il se trouue justement distant de l'un & de l'autre en opinions; si est-ce qu'il doit aussi estre justement conioint avec tous les deux, par le lien de charité: Et n'est point plus haï par les turbulens des deuz partis, ni pour autre cause, que pource qu'il s'efforce de tout son pouuoir de procurer la paix entre des passions si fort contraires; & ramener les deux bouts ensemble, d'une grande rupture. Misere qu'un Ancien Pere deploroit en son temps, & semble merueilleusement conuenir au nostre. Car traittant de la chaleur des partis;

*Ceux (dit il) qui suiuent la paix, moytoyens entre deux extremes, sont incommodez de part & d'autre, se trouuans ou mesprizez, ou mesme accablez; du nombre desquels estant, &c.*

Quant aux Papistes, ce n'est icy le lieu d'en traiter; ayant ore affaire avec cette sorte d'hommes, qui ayans pour but singulier de s'esloigner infiniment des Aduersaires, outrepassent aussi d'une sole fuite, les limites de la verité: Gens qui par vne orgueilleuse arrogance & fast incroyable, mesprisent toute l'Antiquité, font litier des Saints & Anciens Peres, & avec toute diligence et passion ne visent qu'à destruire & abroger toutes les Saintes Institutiōs de l'Eglise primitiue: Eux mesmes s'arrogans (comme Dictateurs perpetuels, & Reformateurs de la Republique Chrestienne) droit de tailler & rongner ce qui leur deplaist, & à plaisir y substituer des loix & des ordres tout nouueaux & frais esmoulus, totalement incognus, & à l'Eglise, & au Monde, jusqu'à leur temps: Ne voulans du tout rien ceder au bien & paix de l'Eglise, ny auoir



auoir aucun égard à la concorde publique, faifans grãde parade neantmoins de zele, & en pallians leur ambition, cherchent à s'acquerir dn nom & renom. Or quicôque aura parcouru le liure que nos Impolteurs ont attribué à mon Père, trouuera aifément, par vne infinité de passages qui en font foy ( quelques vns entre autres qui meritent bien d'estre tant soit peu pesez ) que son prime Auteur non seulement est du nombre de ceux que je vien de dire; non di-je simple combatant au milieu des autres, mais certes vn des principaux & premiers Capitaines commandant au front. Iusques là que je ne sache, ny pense qu'il y ait encor vn tel liure au monde, de quelque genre que ce puiffio estre, qui tesmoigne ainsi l'insolence & petulance de son Auteur, mariees avec telle impudence & effronterie. Vous diriez qu'il a entrepris la guerre contre toute l'Antiquité, & qu'emporté d'un horrible zele de nouuelle, il a voulu avec ses boutees, comme le sanglier du bois, arracher par les

racines, & vniuersellement destruire tous les anciens ordres & constitutions de l'Eglise. Et vraiment le Liure est intitulé contre les Papistes; mais certes non moins contraire & iniurieux a la vraye Eglise & primitiue, qu'a la Papistique fausse & nouuelle. Et d'autant que l'Eglise Anglicane ayant obmis plusieurs choses qui, par mauuais exemples és siècles suiuaus, s'estoyent introduites; a retenu seulement ce qu'elle a trouué de saint & veritablement de plus ancien; là est elle aussi offensée par les costez des Papistes; voire sappee & minée d'autant plus dangereusement que frauduleusement & couuertement. Soit donc ici l'Argument premier, & qui (comme on dit) meine le branle, pour monstrier que Casaubon n'a onc esté, ni peu estre l'Auteur de ce liure; Que jamais homme plus que lui, n'a reueré les cheueux gris de l'Antiquité. Et qui a jamais eu les Anciens Peres en plus grande estime que lui, sauf tousiours l'honneur deu aux diuins Elcrits, qui portent leur autorité  
quant

quant & eux? Car qu'est il besoin que je parle de l'Eglise Angloise, dont il a si cordialement embrassé & approuvé la doctrine, les meurs, les ordres, & la discipline, qu'il ne se pouvoit jamais souler de l'exalter & celebrer avec toute sorte de louanges?

S'il ne restoit mille tesmoignages en ses Escrits, par où l'on pult colliger & môstrer à clair cette sienne profession; si reste-il assez de graues & grands person- nages, tres gens de bien, à la foi desquels j'appelleroi, combien de fois ils l'ont ouï discourir & amplement descouvrir son cœur sur ce subiect là. Mais ja n'est mestier de recourir là, ayant tant de ses Liures & Escrits en main, qui suffiront à confirmer cette verité. Car bien qu'il n'ait eu aucune directe & singuliere occasion de traiter ce Sujet-là primitiue- mēt, & de propos deliberé; neantmoins, bonne part de ses Escrits traittant des choses sacrees & Ecclesiastiques, puis que non seulement ils ne portent rien qui differe des vs & coustumes de l'E-  
glise

glise Anglicane, mais au cōtraire, qui n'y cōuienne en tout & par tout, & selon les occasions mesmes, les maintienne; le discret Lecteur jugera facilement, combien de tout son coeur il acquiessoit à l'ordre de cette Eglise. Et n'y a pas manque de trefcertains tesmoignages là dessus, en maints passages de ses Escrits, lors que l'occasion l'a requis; suffisans de fermer la bouche, voire mesme aux Imposteurs les plus impudens: comme lors qu'il parle au Roy en sa Preface sur ses Exercitations; *Ayant (dit il) Une Eglise en vos Royaumes, en partie desia auparauant si bien formee, en partie par vos grans soins & travaux, si bien conformee, qu'il n'y en a aujourd'hui aucune si auyprochante de la forme de l'Ancienne florissante Eglise, que celle là, qui entre l'excès & le manque à suiui la voye du milieu. Au moyen de laquelle moderation, l'Eglise Angloise a au moins obtenu ceci, que ceux mesmes qui lui enuient sa felicité, sont contrains bien souuent de la louer en comparaison des autres. A quoy s'accorde ce qu'il escrit au Cardinal du Perron, voirement*

au

au nom du Roi, mais quant & quant selon son sens & opinion ; Qu'il est totalement assuré, que si on a égard aux marques essentielles & vraiment nécessaires à salut, ou mesme à la bienfaisance de l'Eglise, il n'y en a une seule en tout le monde, ( à Dieu seul en soit tout l'honneur & gloire ) qui approche plus de la foy & forme de l'ancienne Catholique Eglise. Je ne m'ennuyé point en cet endroit de rapporter son jugement de quelques Ordres de cette Eglise, qu'il a selon les occasions, inseré en son Journal ; par où l'on peut aisément juger quelle opinion il a eu des autres.

Le dernier Novembre 1610. Je n'ay pas mal employé ce jourd' huy ma feste, Dieu soit loué ; ayant esté invité à assister au divin service, qui s'est fait à la consecration de deux Evêques Escoffois, & de l'Archevesque d'Escoffe. J'ay veu les Ceremonies & l'Imposition des mains, avec les prières sur ce subiet. Bon Dieu, combien j'y ai eu de consolation ! Seigneur Jesus, garde cette Eglise, & donne résipiscence aux Catharistes qui s'en moquent.

Le 4. Ianuier, 1611. *Je te ren graces, ô bon Dieu, que j'ay aujourd'hui esté admis à ta sacrée Table, & fait participant du corps & sang de Iesus Christ, en l'Eglise Angloise, en ayant bier diligemment medité la forme, que j'approuue totalement; & louë leur Ordre par sus tous les autres observez ailleurs.*

Mais non seulement peut-on tirer argument, des choses qui sont contraires à la doctrine de l'Eglise Angloise, pour la defence de Casaubon; ains encor, des choses mesmes qui touchent les seuls Aduersaires, se peut fort aisement descouurir l'imposture de tout cet Escrit. Car à qui est incognue la souueraine moderation & equité de Casaubon, à traiter des controuerses de la Religion? jusque là que ceux que la chaleur d'un zele ignorant & prepostere, emportoit à toute outrance, le lui ont voulu tourner à crime, prenans de là vne occasion inique de soupçonner & parler de lui autrement que de raison. Mais telle estoit son opinion & ferme persuasion, qu'il n'y auoit point de voye si certaine & asseuree à  
trouuer

trouver la verité & redresser les errans; que celle qui s'entreprend sous la guide, ou pour le moins sous l'escorte de la moderation, & equitable relaxation, mettant bas toute passion & animosité: tenant au contraire, que tous ceux qui y procedoyent d'une autre methode, tenoyent vne voye fort scabreuse, & plus-tost roidissoyent les Aduersaires en leur erreur. La où si quelcun espluche soigneusement toute la mesnie des Escriuains modernes, & tous leurs Escrets; je pense qu'il ne s'en trouuera aucun comparable nôtre *Pseudo-Casaubon* en âpreté, malice, & haine enragée contre les patures Papistes; ni qui se laisse emporter plus effrenément, voire certes enfantinement, à la chaleur de la faction & amour de son opinion. Car encore seroit-ce assez peu de chose, & en quelque sorte pardonnable, s'il se cõtentoit de persecuter violemment & avec fiere medisance (quoi que peu sortable à vn homme de bien & moderé) les choses qui sont de fait à reprendre: Mais ce qu'il tasche à

quelque prix que ce soit, à refuter les aduersaires, par vne infinité de calomnies & faussetez, & mesme leur imposant vn monde de crimes; cela est totalement intolerable & indigne d'un vray champion de la verité Chrestienne. Laquelle façon de proceder encontre les Aduersaires, quoi qu'elle puisse plaire à quelques zelez ignees, & dont l'esprit n'est point appriuoisé par la science; si est-ce que les plus sages ne peuuent qu'ils ne la condamnent à plate cousture, comme estant plus propre à ruiner vne bonne cause, qu'à la maintenir ou defendre. Car si on a establi des loix seueres contre les preuaricateurs, qui recelans les principales & meilleures pieces d'un procès, ne produisent seulement que des tesmoignages & accusations, & fausses & contrefaites: que deuiendront ceux, qui entreprenans de gayeté de coeur la defense des controuersés de la Religion, obmettent, ou de guet a pens ou par ignorance, les principaux argumens & de plus grand poids; & ne representent  
que



que les plus foibles & faciles à refuter? N'y a-il pas pareil droit, & raison pareille de les punir comme proditeurs d'une bonne caule? Et qu'est ce qui se pourroit excogiter de plus propre pour alier les Esprits de ceux, qui estans encor chez les Aduersaires, ja presque vaincus de la force de la verité, branloyent pour venir se ranger des nostres? Les anciens historiëns nous ont recommandé la candeur d'un noble Fabrice, qui mesme en vne guerre assez douteuse, auroit refusé courageusement la victoire, que la perfidie d'un seul traistre lui mettoit és mains. Et les Chrestiens n'auront-ils honte aujourd'huy, où il s'agit de la vraye foi, de traiter de pire foy avec les Chrestiens, que jadis les Payens l'un contre l'autre; n'ayans égard qu'à leur propre honneur & gloire?

Et qui voudra faire tant de tort à Caubaon, ou se tesmoigner tant insensé, d'oser sembler croire ees choses partir de lui; qui ne sentent autre chose que l'ame malade d'un faussaire horrible, &

d'un furieux calomniateur? Casaubon, duquel vouloir curieusement prouver la pieuse moderation, & saint desir d'une amiable condescension (laquelle tous ses dits & Escrits ont tousiours tesmoigné tressinguliere) ce seroit trop vainement vouloir profaner le temps, & prester, comme on dit, de la lumiere au Soleil.

Et bien que possible aussi il n'appartienne a ma modestie de vanter la doctrine de mon feu Pere; si espere-je qu'il me sera permis de dire, sauf mon honneur, ce que chacun sait; qu'il n'a pas totalement esté vn tronc, ou depourueu de toute cognoissance des bonnes lettres. Que si on m'accorde seulement cela, je n'ai que craindre que je ne gaigne bien tost ma cause, & ne redime le nom & la renommee de mon Pere, de la fourbe de ces fripiers friponniers, qui ont sous son nom, donné vogue a cet Escrit; auquel la brutalité & l'ignorance surpassent tellement toute mesure, que bien que le tout ne prouve autre chose qu'un Escrivasseuseur tresimpertinent, (fors seulement quelque

quelque piece çà & là, regratee d'ailleurs) entre autres il y a plusieurs passages, que je m'estonne pouuoir onc estre partis d'un homme de sain jugement; si toutefois on peut dire un homme de sain jugement, qui est vne fois frappé de l'infection de ce zele pestilencieux.

Mais j'estime que le Lecteur attend désormais que je tire au iour, pour plus grande foy, quelque exemple de ce que je trouue a redire en cet Auteur, & en son fanatique liure. Reste donc brièvement de le parcourir, & venir aux passages mesmes; non par dessein de les refuter, mais seulement les monstrier au doigt.

En la premiere partie du liure, tout ce qui est arriué ou a esté ordonné de Dieu, ayant quelque signification typique ou mystique, il le vous rapporte pour la plupart, & tire en conte; comme l'arbre de vie, l'arbre de science de bien & de mal, l'arc en ciel, les pains sans leuain, la nuée qui alloit de iour, & le feu de nuit deuant les Israelites, la diuision de la mer  
rouge,

rouge, la manne, l'eau du roc, les diuer-  
ses especes de sacrifices, le temple de Je-  
rusalem, les habits des Prestres, l'eau de  
purification &c. & toutes ces choses il  
maintient en plusieurs lieux auoir esté  
vrais & propres Sacremens du Vieil Te-  
stament, non moins que la Circoncisi-  
on & l'Agneau Paschal; sur le modele  
desquels ont esté instituez ces deux au-  
tres du Nouveau Testament, le Baptême  
& la Sainte Cene. Or n'ignore-je point  
combien est ample l'acception de ce  
mot de Sacrement; mais aussi toutes ces  
choses n'ont jamais ainsi esté ran-  
gees pêle melle, que je sache, au nombre  
des Sacremens, par les Anciens: & exami-  
nant vn peu de plus pres le discours de  
nostre Auteur, je voi clairement que par  
vne tres-euidente illation, c'est son but  
vnique, faisant toutes ces choses, qui ne  
sont rien que purs, quoi que sacrez si-  
gnes, estre de vrais Sacremens du Vieil  
Testament; de faire que les vrais Sacre-  
mens du Nouveau ne soyent de mesme  
que purs signes tant seulement. Et cer-

ces ne se peut tirer autre resultat de tout  
 ce qu'il dit par cy par là, du S. Sacrement  
 de l'Eucharistie. Car bien qu'il semble  
 par fois bien autrement croire, vsant de  
 ces grands mots, *Vrayement & reellement*;  
 toutefois il ne les attribue point en autre  
 sorte aux Symboles de la S. Eucharistie,  
 qu'à tous ces autres signes sacrez, ou Sa-  
 cremens du vieil Testament; ni ne re-  
 cognoist en eux autre force, non d'exhi-  
 ber reellement, mais de signifier seule-  
 ment, ou bien de signifier reellement. Fol. 37. r.  
 Surquoy armé de cette raison, qu'il n'y a  
 rien plus en l'Eucharistie qu'aux signes  
 susdits; il pense auoir viuement confon-  
 du la fausse & sole doctrine de la pre-  
 tendue Transsubstantiation: pource  
 qu'il prouue, qu'en l'arbre de science du Fol. 48. & seq.  
 bien & du mal, & en la manne, en l'eau  
 de la roche, au serpent d'airain & autres,  
 il n'y auoit point de transsubstantiation.  
 Comme si les Aduersaires n'auoyent  
 pas tout prest & en main, de respon-  
 dre solidement par les paroles de S. Au-  
 gust. *contra Faust. lib. 19. cap. 19.* *Après que*  

E

nostre

nostre Seigneur par sa venue, eut accompli les anciens Sacremens, il les a abolis, & en a substitué d'autres en leur place, plus grands en vertu, meilleurs en utilité, plus faciles à faire, & moindres en nombre. En un mot toute la somme de la doctrine de nostre Escriptain, semble ne tendre que là; que par foy nous participons réellement au corps & au sang de Christ, & sommes conjoints à lui; & que les signes & symboles de cette nostre conjunction & communion, sont en l'Eucharistie; que nous autres croyons estre non seulement purs & simples signes, mais aussi les moyens & instrumens, par lesquels nous sommes conjoints à Christ. Telle est la doctrine de la primitive Eglise; telle est celle de l'Eglise Angloise, telle finalement celle de mon Pere, qui se void par tout en ses Exercitations, & en l'Epistre au Cardinal du Perron. Au reste, quant à ceux qui estiment ainsi basement de ce Sacrement, ce n'est grand' merueille qu'ils n'y trouuent rien qu'ils admirent; comme cet Escriptain  
semble

Exerc. 16.

num. 47.

semble avouer en quelque endroit, & assez d'autres ont tranché le mot tout à fait plus confidemment. Mais les Anciens Peres qui souloyent appeler redoutables ces sacrez mysteres, jamais n'en traittoient, jamais n'y pensoient, qu'avec vne venerable reuerence & horreur sacree.

Au troisiſme Chap. pour prouuer combien de tout temps les ſacrez ſignes & ſacrifices ont eſté ſubieſts à diuerſes corruptions & deprauations, il vous amoncelle ſans jugement vn grand nombre de pechez, de genre bien fort diuers ; leſquels neantmoins il veut appartenir proprement aux Sacremens : comme le dégouſt de la manne, les murmures du peuple, qui ſ'en enſuiuirent, le ſacrilege d'Achan, l'impieté des enfans d'Hely, la temerité d'Vza, & autres de telle eſtoſe : à quoi il adjouſte le voeu de Iephthé, & l'Ephod de Gedeon, pour corruption de Sacremens. Là auſſi rapporte-il ce qui eſt dit 2. Rois 17. 17. des Iſraelites, faiſans paſſer leurs enfans par

Fol. 10.

E 2

28 *Meric Casaubon*

Fol. 37. 38. 39.  
40. & seq.

le feu, que nostre homme appelle feu de purgatoire; & prononce asseurement que de là les Alcoranistes & Mahometistes d'aujourd'hui ont déduit leur opinion du Purgatoire. Entendant tousjours les Papistes par les Alcoranistes; & appelant les Rituels de Durand, Tielman & autres, l'Alcoran.

Chap. 5. f. 17. 2. ce grand Auteur cite ses propres Commentaires Ecclesiastiques, auxquels il renuoye le Lecteur; desquels encor il fait mention f. 29. Cela ne va pas mal, que de tous costez nous affluent nouveaux argumens, par où nous recognoissons l'imposture des joueurs de passe-passe. Car en fin, de qui que puissent estre ces beaux Commentaires, certes Casaubon n'en fit jamais; & n'y eut jamais aucuns Commentaires Ecclesiastiques. Qui me fait grandement apprehender, que ces pretendus Commentaires ne soyent gemeaux avec ces autres Commentaires Ellassopolitans, d'où nostre Auteur, en sa Preface au lecteur, avouë d'avoir péché



ché toutes les belles chosettes, dont il nous a basti & ajoliué ce digne ouurage. Commentaires en effet que je tien pour vn vray comment, & que jamais personne ne vid, ny verra. Au moins iusqu' icy sont ils si fort incognus & inouis, que ce nom *Elassopolitain* s'est trouué du tout estrange & espouuanteable aux oreilles de tous les doctes, à qui il m'est aduenü de m'en enquerir.

Au mesme chapitre, f. 16. entre les ceremonies superstitieuses anciennement admises au Bateſme, il range l'Onction, l'Exsufflation, & les Exorcismes; lesquelles bien qu'elles ayent à bon droit esté retranchees par l'Eglise Angloise, trouuant qu'en fin elles auoyent degeneré en vne superstition ridicule; neantmoins par ce qu'il appert de fait qu'elles sont tres-anciennes, ce n'estoit pas de la modestie d'un homme Chrestien, d'inuectiuer si insolemment contre elles, & de la façon que l'ancienne Eglise enusoit, les appeler *abominables*. Car certes jamais les SS. Peres Cyrille, Basile, Am-

broise, Augustin, & autres, non moins religieux & sages Docteurs de la pieté, si je ne me trompe, que nos zelez de trois jours; ni ne les eussent voulu admettre, ne l'estans pas, ni les approuver estans ja admises, si elles eussent esté inuentees pour denigrer & falsifier le vrai vsage du saint Baptisme, & sa premiere institution, comme nostre Dogmatiseur hardiment afferme. Et quant à mon Pere, il se fust bien gardé de prononcer de la sorte, contre ces coustumes des Anciens; ayant assez tesmoigné en choses de bien plus grand poids, combien il leur deferoit. Mais je ne puis sinó toucher vn peu en passant, la bestise de nostre Scribe mirifique, & ensemble vn exemple insigne de sa malice; *Pourquoi* (dit il) *O Messaliens, auez vous bronillé des huiles au S. sacrement du Baptisme, sui- uans l'heresie de Marcus & Marcosus, qui commanderent oindre les enfans à baptiser?* nous renuoyant en la marge, à Epiphane, qui dit ces mots, *On certain Marcus, daquel sont dits les Marcosiens.* Et qui

qui n'admirera maintenant la beveté prodigieuse de nostre homme, qui d'un nom denominatif en a fait vn propre; comme qui diroit qu' Arrius & Artien ont esté de grands heretiques? Mais je vous prie, quelle relation des folies des Marcosiens, à la coustume des anciens Orthodoxes? Car ces heretiques n'usoyent pas de l'huile au baptesme, comme vne ceremonie indifferente; ains mettoyent tellement toute la force du Sacrement en leur onction, qu'ils ne baptesmoient point du tout ceux qu'ils admettoient à leurs Sacremens, les ayans graissez à leur mode; comme Epiphane tesmoigne en ce lieu là mesme qu'aucuns d'entr'eux disoyent, *qu'il n'estoit besoin d'oser d'eau.* La mesme, apres quelques lignes, il se laisse petulantement emporter contre les Anciens, comme s'ils permettoient aux femmes, de baptiser; ce que non. Tertul. de vel. viing. *Il n'est permis à la femme de parler en l'Eglise, moins d'enseigner, ni de baptiser.* Et le mesme Tertullian tesmoigne, qu'es cas d'extreme necessité cela estoit permis

permis aux laics. Sur quoi l'Eglise Angloise, quoi qu'elle n'approuue le Baptisme des laics ni des femmes; si ne le tient elle pas pour nul & de nul effet, quand la necessité le requiert. Cependant ce faux Casaubon est & tresmelchant & tresimpie, qui s'efforce de diffamer l'integrité de l'Eglise catholique & primitive, luy obiectant l'imitation & communion des Montanistes, Marcionistes, Cataphrygiens, & autre telle espeece d'heretiques enragez, qui permettoient tout à leurs femmes, voire certes tres-infames.

Finalemēt chap. 8. comme s'ennuyant de sa trop grande modestie, mettant toute honte bas, il se laisse aller à bride abbatue, contre la venerable Antiquité; & premierement par vne superbe raison se fait voye à l'impudence. *Qu'aucun donc* (dit il f. 17.) *par cy apres ne trouue estrange, si les successeurs des Apostres ont de tous en tems corrompu le vray vsage de ce S. Sacrement.* Comme si c'estoit mesme chose, que du temps des Apostres il y ait

y ait eu quelques heretiques , & que les propres successeurs des Apostres eux melmes eussent esté heretiques. Certes nul ne niera que dés les Apostres, ou bien peu apres, il n'y ait eu quelques heresies. Mais si les successeurs immediats des Apostres, & qui apres eux ont presidé à l'Eglise, n'en ont point esté libres & exempts ; au nom de Dieu, que pourra-on esperer du reste, & des aages consecutifs ? A cette cause, bien que j'e soy content de lui accorder ce que là mesme il repete derechef; que diuerses, voire infinies corruptions se sont coulées en l'Eglise, dés sa premiere naissance, au moins ne prouuera-il jamais ce qu'il dit, qu'elles ont esté receuës de l'Eglise Catholique, ni approuuees par aucuns de ses sains membres, ni des saints Euesques. L'Eglise Angloise fait profession de consentir & adherer fermement à la doctrine des quatre premiers siecles. Elle embrasse & approuue ce que les Peres de ces temps là d'un commun accord ont professé & enseigné; & defend d'en-

seigner au peuple, comme necessaire à salut, ce qu'ils n'ont pas enseigné. Comme appert par ce Canon d'or, tel que feu mon Pere souloit l'appeler, de l'an 1571. auquel tous les Euesques d'Angleterre legitiment assemblez en Synode, soulcriurent; par lequel les Prescheurs sont obligez de *n'enseigner au peuple, en tous leurs sermons, comme chose digne d'estre religieusement tenue & creüe d'un chacun, aucun point de doctrine, qui ne soit conforme & accordant à celle du Vieil & du Nouveau Testament: & non autre chose que ce que de cette mesme doctrine, les SS. Peres & Anciens Euesques ont colligé.*

Mais je vous prie, quelles sont tant de corruptions de la primitiue Eglise, pour quoi ce fleau-cy de l'Antiquité fait tant de bruit? *Car (dit il f. 18.) en quelle contention tomba l'Eglise la plus prochaine des Apostres, pour la determination des iours à celebrer ce S. Sacrement?* Quant à certain temps, quel'Eglise primitiue ait ordonné pour la celebration de la S. Eucharistie; ou aucunes dissensions qu'il y aie eu  
là

là dessus entre les Euesques, je croi fermement que cela ne se pourra prouuer par aucun tesmoin propre; ains que c'est de l'inuention controuuee d'un cerueau vuide. Car en cette si grande innocence du premier aage, les SS. Peres & autres Escriuains nous sont tesmoins, que non seulement l'un ou l'autre jour, mais tous les jours estoient propres à vn si saint ceuvre; & que la perception de l'Eucharistie estoit potir la plu-part journaliere. Apres vn bien long temps, la pieté venant à se refroidir, il fut besoin par certaines loix, d'obuièr au mespris d'une si grand' grace. Et lors, di-je, furent assignez certains temps, pour obliger principalement les froids & retifs. Mais nostre Asne, viuant peut estre entre ceux à qui il suffit de communier vne fois l'an, a sottement rapporté au temps de communier au S. Sacrement, ce qu'il auoit possible surleu, ou mal entr'ouy, du temps de la celebration du iour de Pasques, dont voirement y eut du commencement de grands altercàs; pensant

que ce jour là seul fust le propre & vni-  
 que jour, pour la celebration de l'E-  
 charistic. Mais (poursuit il fol. 18. 2.)  
*y a-il eu aucun S. Apostre de Dieu, qui ait  
 iamais delaisé par escrit aucune loy ou sancti-  
 on, pour la distinction des iours ou des vian-  
 des &c.* Mais certes Casaubon n'eust ja-  
 mais argumenté de la sorte, en vne cho-  
 se où il n'agit point de la foi, lui qui sou-  
 loit tant louer la reigle de S. Augustin,  
*De Bapt. contra Donat. l. 4. c. 24. Ce que  
 l'Eglise vniuerselle tient de tout temps, & ne  
 se trouue point institué par aucun Concile,  
 nous croyons à bon droit qu'il n'a esté intro-  
 duit que par autorité Apostolique.* Et quant  
 à la semaine de deuant Pasques,  
 qu'on dit ordinairement sainte, il n'a  
 point eu crainte de dire en ses Exercitati-  
 ons, *Pour, moy ie croiroy volontiers que  
 cette coustume auroit eu commencement du  
 temps des Apostres, ou bien tost apres.*

*Exer. p. 671.*

Au mesme Chap. fol. 19. touchant A-  
 lexandre premier du nom, cinquiesme  
 Euelsque de Rome apres S. Pierre, (com-  
 me Eusebe conte, Eccl. hist. lib. 4. cap. 1.)

&c.



& couronné du martire, comme autres racontent; Il dit que cet *Alexandre* (*vn des premiers successeurs aux Apostres, & vn des premiers corrupteurs du S. Sacrement*) en voulant reformer le S. Euangile de Iesus Christ, fut celui qui premier ordonna de brouiller de l'eau avec le vin, premier que de communier. Quant à cette coustume, quelle a esté la pratique de la primitive Eglise, & ce que S. Cyprian & S. Augustin en disent, c'est chose qui ne peut estre incognue à ceux qui sauent que c'est de l'antiquité. Mais en outre il dit, que de cette coustume est venu l'*abus* (car c'est le mor qu'il lui donne) de ceux qui celebrans le Sacrifice de l'Eucharistie, mangeoyent du pain trempé dans du sang d'un petit enfant. O detestable impieté de ce malheureux, qui couple à la coustume de l'Eglise vniuerselle d'alors, le sanglant crime de certains abominables heretiques, que le peuple payen mal informé estimoit voirement estre Chrestiens, mais en effet qui n'estoyent rien moins; & attribue la cause de cette

meschanceté à ceux qui du tout en sont innocents ! Ainsi anciennement les Gentils attribuoient aux vrais Chrétiens, tous les plus horribles crimes, que les plus diaboliques d'entre les hommes pouuoient faire , autrement parmi la populace grossiere passans pour Chrétiens ; comme tant & tant de fois nos Escriptuains de ces temps là se sont justement complains. Mais tant s'en faut que ce meurtre horrible des petis enfans procedast de cette coustume del'Eglise, que plusieurs mesmes en deduisent l'origine , de *Simon le Magicien* plus ancien de tout vn siecle que ce bon *Alexandre* ; lequel cet Escriptuain-cy dit auoir premier adjousté au S. Sacrement *une tierce espee, à scauoir de l'eau*. Là mesme il poursuit, disant, *Il restaura la ceremonie Iudaïque des pains sans leuain pour celebrer la Pasque, suivant l'opinion des Ebionites & de Symmachus heretiques*. Et est grand merueille, que cet homme n'a point eu peur du Consistoire de Geneue, qui retient encor cette coustume ancienne.

Chap. 9. afin qu'il face planche à ce Fol. 1. 2.  
qu'il veut dire, il traite par voye de consideration preambulair, de la Religion, Sacrifices, & Ceremonies des vieux Romains. Et traite cet argument en telle sorte que bien appartient à vn tel Docteur; recognoissant franchement de uoir toute la cognoissance qu'il a de l'antiquité, à certains Escruains modernes, *Blondus, Alexandre, &* semblables; qu'il allegue à chasque bout de champ, comme témoins sans exception és choses de l'Antiquité: en cela seulement louable, qu'il ne cele point par qui il a profité. Mais combien cette methode, de dependre totalement des modernes, obmettant les tesmoignages meilleurs & de plus d'autorité, conuient à Casaubon, c'est ce que je laisse à decider à juges capables.

Or est il que son dessein requeroit necessairement, qu'il exposast toutes les ceremonies & coustumes religieuses des vieux Romains, desquelles il pretend deduire toutes celles qui se trouuent en la

la Messe, & les conuaincre de paganisme. Et quant au dessein mesme, combien il est à louer, je m'en remets au dire de gens de bien & d'esprit Chrestien: Quoi qu'aussi je n'ignore pas, que cet homme-cy n'est pas le premier ou du moins l'vnique, qui l'ait attenté; car je sai qu'il s'en est trouué d'autres, qui ont deriué toute la religion des Papistes, tant en foi qu'en ceremonies, des Turcs & Payens. Mais qui ne fait combien grandement Casaubon detestoit vne telle imposition, qui (Dieu merci) ne fut jamais si grossier, ni de la croire, ni si malicieux de desirer qu'autres la crussent. Ce que je ne di pas pour excuser le grand nombre de superstitions, & detestables, qu'ont les Papistes: la n'aduienne. Mais vne chose est, de ramener de bonne foi leurs erreurs & corruptions à leur vraye source, comme maints dignes personnages ont dignement fait; & autre chose, de detorquer vilainement toutes choses, & les exagerer cruellement, pour leur creer de la haine; comme entre tous  
ceux

ceux qui s'y sont jettez, nostre Docteur fait plus impudemment que tous. Or comme l'Eglise Angloise en sa Liturgie, n'a pas retenu peu de choses de la Romaine; on ne la peut bonnement toute accuser de Paganisme, sans y enueloper quant & quant cette Eglise-cy. Mais d'autant que nous auons dit que cet Escrit, en plusieurs points est contraire à l'Eglise Angloise, & la chose de soi mesme le crie assez, nous en toucherons briefuement quelques points.

Chap. 10. l'Institution du Carefme est nombree entre les institutions cōtraires au commandement de Christ. Les Temples portans les noms des Saints, sont dif-Fol. 23.famez, comme n'estans erigez à l'honneur de Dieu, mais des hommes. Les prieres & la situation des Temples de-Fol. 25. 2.uers l'Orient, sont condamnées comme superstitieusement instituees par les heretiques. Les honnestes titres qu'on Fol. 29.donne par fois aux personnes Ecclesiastiques, comme *Pere*, *Reuerend*, &c. sont condamnés, comme derriez des

Fol.13.2.

Fol.16.

Fol.34.2.

Fol.42.2.

Fol.13.

Fol.37.2.

Fol.40.

Gentils. La Confirmation des petis enfans est rejettee, cōme vne vaine inuention de gens sans ceruelle. La distinction des Ordres & toute Constitution Ecclesiastique, est arrachee par le costé des Papistes; l'egalité & parité des Ministres Euangeliques, est pretendue & vantee comme de droit diuin. Il deriue l'vsage du surplis en la celebration du diuin Seruice, des idolatres Egyptiens; & en vn autre endroit il dir, que les auteurs de cette coustume ont esté halenez de l'esprit de Nume Pompile, qu'il nomme par tout *le Magicien*. Toute la fourniture des Temples, & leurs diuers ornemens, comme les vaisseaux d'argent, les tapisseries, & paremens, tout cela est bassoué. Il impropere & impugne tout vsage de musique, de voix & de vent: & afferme que le droit de dispenser de tenir plus d'un Benefice Ecclesiastique, n'est pas vne inuention des Chrestiens, mais de Nume le Magicien, & des vieux Romains.

Et tandis qu'il ose non seulement affermer

fermer toutes ces prodigieuses faussetez, & autres de mesme farine, mais aussi qu'il tasche de les confirmer par ses raisons; il descouure ensemblement, vne si demesuree ignorance, & vne si debordée temerité, que (ce qui est d'admirable en lui) il est impossible de decider, quelle est la plus grande. Par exemple, traittant de cet vsage des dispensations, & contestant qu'il s'ourd des Romains; *Desquels Benefices* (dit il) *les grands Pontifes Romains auoyent vsurpé le pouuoir de* Fol. 392.  
*bailler dispenses pour en tenir deux ensemble, ainsi qu'il est recité par l'histoire Liuiane, de Fabius Maximus, qui tenoit par dispense deux benefices, lors qu'il fut créé Pontife, plus de 200. ans-deuant Christ. Qui n'admira,* que ces choses selon la mode de nostre temps, ayent esté dites d'un Payen? Mais la verité est qu'il n'y a vn seul mot dans Tite Liue, ni de dispensation ni demi, ou chose semblable. Ce Fabe Maxime, dont Tite Liue parle en cet endroit-là, ne fut jamais souuerain Pontife, mais mourut jeûne. On lit bien que

Fol.23.2.

Fol.26.

Fol.34.2.

Fol.42.2.

Fol.23.

Fol.37.2.

Fol.40.

Gentils. La Confirmation des petis enfans est reiettee, cōme vne vaine inuention de gens sans ceruelle. La distinction des Ordres & toute Constitution Ecclesiastique, est arrachee par le costé des Papistes; l'egalité & parité des Ministres Euangeliques, est pretendue & vantee comme de droit diuin. Il deriue l'vsage du surplis en la celebration du diuin Seruice, des idolatres Egyptiens. En vn autre endroit il dir, que les Rois de cette coustume ont esté haïs de l'esprit de Nume Pompile, qui n'est par tout *le Magicien*. Toute la fureur des Temples, & leurs diuers ornementz, comme les vaisseaux d'argent, les tapisseries, & paremens, tout cela est bafoué. Il impropere & impugne tout vsage de musique, de voix & de vent: & afferme que le droit de dispenser de tenir plus d'un Benefice Ecclesiastique, n'est pas vne inuention des Chrestiens, mais de Nume le Magicien, & des vieux Romains.

Et tandis qu'il ose non seulement affermer



fermer toutes ces prodigieuses faussetez, & autres de mesme farine, mais aussi qu'il tasche de les confirmer par les raisons; il descouure ensemblement, vne si demesuree ignorance, & vne si debordée temerité, que (ce qui est d'admirable en lui) il est impossible de decider, quelle est la plus grande. Par exemple, traittant de cet vſage des dispensations, & contestant qu'il ſourd des Romains; *Desquels Benefices* (dit il) *les grands Pontifes Romains auoyent ſurſupé le pouuoir de* Fol. 392.  
*bailler diſpenſes pour en tenir deux enſemble, ainſi qu'il eſt recité par l'hiſtoire Liuiane, de Fabius Maximus, qui tenoit par diſpenſe deux benefices, lors qu'il fut créé Pontife, plus de 200. ans deuant Chriſt. Qui n'admirera, que ces choſes ſelon la mode de*  
 noſtre temps, ayent eſté dites d'un Payen? Mais la verité eſt qu'il n'y a vn ſeul mot dans Tite Liue, ni de diſpenſation ni demi, ou choſe ſemblable. Ce Fabc Maxime, dont Tite Liue parle en cet endroit-là, ne fut jamais ſouuerain Pontife, mais mourut jeune. On lit bien que

#### 44 *Meric Casaubon*

Fabe Maxime le pere a eu deux Sacerdotes totalement differens l'un d'auec l'autre ; mais non deux Charges ou Cures d'unmesme Sacerdoce : car il fut Augur & Pontife. Outre que je pourroy dire apres Plutarque , que le titre d'Augur n'estoit pas vn nom de Magistrature ou dignité ; ains d'Art & Science. Les propres paroles de Tite Liue sont, *L'annee mesme mourut Quinte Fabe , &c. Et en son lieu Quinte Fabe son fils fut consacré pour Augur ; & pour Pontife en son mesme lieu (car il tenoit deux Sacerdotes) Ser. Sulpice Galba.*

Mais cela est comme rien , eu egard à ce qu'il bronche és autres choses ; dont afin de donner quelque échantillon, voyons comme il deriue la Messe de Nume Pompile. Quant au nom de Messe, il n'approuue pas ceux qui le tirent du *Maozim* de Daniel ; mais croid bien plus proprement le deriuer de *Messa* , qui se trouue (dit il ) Rois 4.c. 11. & signifie *soulement aux pieds*. Vray est qu'au chapitre 11. v. 6. se trouue le mot *Missab*, que les

les 72. Interpretes ont pris pour vn nom propre, & l'ont tourné *Messai*; lesquels la version françoise suiuant, a laissé dans le propre texte *Mese*, notant neantmoins en la marge vne diuerse interpretation de *degast* ou *irruption*; d'ou nostre baudet l'a tiré. Que s'il faut que le mot soit pris en la signification d'*irruption*, ou *conculcation*, comme dit ce Scribe, la racine ne sera pas *Mesab* mais *Nasab*; & ainsi *Missab* ne signifiera pas *irruptiō*, mais d'*irruption*, proposition à la mode des Hebreux, vnue au nom. Avec pareille science deriue-il *Missel* de *Misseol*, qui signifie non l'*Enfer*, mais d'*Enfer*. Au reste, il dit que toutes ces étymologies de la Messe, quoi que probables, ne doiuent pourtant point estre admises, pource que Nume Pompile auteur de la Messe, estoit ingorant de l'hebreu; & veut que ce soit vn mot latin inuenté par Nume, pource que ce fut lui le premier qui ordonna, apres le seruice ou sacrifices expediez, qu'on criast au peuple, *Ite missa est.* Fol. 28. & 41.

Et qui ne croira que cet hōme ait entie-

rement perdu toute honte, jugement & science & tout, d'auoir osé elcrire telles fadezes? Au moins eust il amené quelque Auteur payen, qui eust substantiuement vsé du mot *Missa*, voire l'eust vsurpé en choses sacrees. Il n'a pas moins monstté de science & de conscience, à prouuer que les Turcs ont la Messe en grand' reuerence, amenant à ce propos ces mots Arabiques *Mecca*, le nom d'une ville; *Mesulman*, c'est à dire pacifique, ou fidelle & orthodoxe; *Mesgid* lieu d'adoration ou Temple, disant qu'ils sont mots corrompus de *Messa*, *Meselman*, *Mesfites*, & tous deriuez du mot *Missa*. De mesme farine est sa deriuation du nom *Papa*, qu'il dit que les Anciens chrestiens ont pris des payens, qui souloyent appeler Iupiter, *Pape*, C'est merueille, qu'il ne dit aussi que S. Cyprian & S. Augustin estoient des idoles; S. Hierosme appelant cetuicy, *Pape*; & tout le Clergé romain, l'autre. Page suiuate, il nous enseigne que les Curez ont esté nommez *Sci & nougiz*, c'est à dire de la tonsure; lesquels jusqu'ici

qu'ici nous auions pensé estre deriuez  
des Cours ou Cures, dont chacun auoit  
sa chacune. Et là mesme, il deuine que  
le mot *Sacerdos*, qui signifie Prestre, vient  
du mot grec *Stephanophoros*, à cause de  
leur tonsure ou couronne; lesquels ne-  
antmoins Denis d' Halicarnasse inter-  
prete *Flamines*, & tesmoigne qu'ils esto-  
ient ainsi appelez, de la forme de leurs  
bonnets, ou mesme des couronnes qu'ils  
portoyent. Quant à l'habit blanc dont  
les Romains vloyent en leurs sacrifices,  
il afferme, par son priuilege naturel de  
controuuer tout, qu'ils l'appeloyent  
*Aube*; & ose faire l'Auteur de cette faus- Fol. 42.2.  
seté puante, Alexandre d'Alex. qui n'a  
rien de semblable en tout son liure. Et  
parlant de la mesme Aube papistique, il Fol. 49.30.  
nous fourre Philon Iuif, pour vn de ses  
Rituels. Car apres auoir amené les in-  
terpretations mystiques de Titelman &  
Biel, il dit que Philon, en son liure des  
*songes*, a subtilement controuué que l'*Aube*  
signifie la fermeté du nom tres-ressplendi-  
sant, qu'il appelle *Estant*. Car sur ces mots  
Gen.

Gen. 31. 12. *Lene tes yeux, & voi les boucs & moutons, blancs, picotez & marquez de taches de couleur de cendre jaillans sur les cheures & brebis, comme les 72. ont tourné; Philon allegorisant selon sa coustume, apres auoir traitté des deux premieres especes, picotee & couleur cendree; l'Interprete dit, nous viendrons desormais à la troiefieme & la plus parfaite, dite Alba, blanche, laquelle Philon entend, par allegorie, de la robe de fin lin, que le grand Sacrificateur portoit.*

Et pource que cela lui sembloit ne conuenir pas trop mal à l'Aube des Papistes, cet insensé prend ces premieres paroles de l'interprete (dite Alba, blanche) comme de la robe dont Philon parle. Mais afin qu'on ne s'estonne point, d'ouir Philon discourir de l'Aube Papistique; vous le verrez tout maintenant familièrement accointé, par le moyen de nostre digne homme, avec les Messaliens. Car apres auoir recité tout plein d'habits vsitez chez les Papistes, en leur seruice diuin; *A tout cela* (poursuit il) Philon

Philon Iuif *adjoinste la Mitre, pour signifier le Diademe royal des Missaliftes.* La où au lieu dont est question, Philon traite de la Mitre du Souuerain Sacrificateur entre les Iuifs. Puis donc qu'à cet homme, quand il lui plaist, les Prestres de la Loy, & les Papisles sont tout vn; & quand il lui plaist, il confond les Missaliens avec les Prestres Payens, & les tire d'une mesme source, suit necessairement par sa sentence, que les Prestres payens & les Prestres Iuifs, specialement ordonnez de Dieu, sont la mesme chose.

Le *Labarum*, qui estoit le nom d'une banniere ou Enseigne, incognu totalement deuant Christ, (que nous puissions apprendre par aucun liure ancien qui soit en lumiere) & qui fut fort anobli par Constantin; ce suffisant homme dit, qu'il a esté cognu aux Anciens Romains, par ce mesme nom, voire le fait plus ancien que la naissance de Rome, & le repete d'Antenor Troyen.

I'ai honte que ce misérable n'ait point  
de honte de tant de sottises; lequel,  
Hquoi

quoi qu'il apparaisse plus clair que le  
 jour estre vn vrai butor ; si ne fult il ja-  
 mais arriué à ce dernier feste de furie in-  
 solentissime, s'il n'eust esté possédé de  
 resolution, quand il mit la main à la  
 plume ; non de chercher ou enseigner la  
 verité, mais d'opprimer les Aduersaires à  
 tors & trauers, & à quelque prix que  
 ce fust. Car à qui fult il jamais monté  
 en ceruelle, de dire que la Messe eust  
 esté celebree par Nume Pompile, 700.  
 ans auant la natiuité de Christ ? & ne-  
 antmoins cet Auteur l'inculque presque  
 à chasque page. Et pource, où il parle  
 des Sacrificateurs instituez par Nume, il  
 les appelle Prestres de la Messe : & au  
 chap. 13. rapportant vn passage de Blon-  
 dus, des Coustumes des Ethniques en  
 leurs Sacrifices ; la où Blondus met ces  
 mots, *Estants prests de faire sacrifice aux*  
*Dieux supernels* ; cestuicy met, *Estants*  
*prests de celebrer la Messe.* Chap. 15. il dit  
 que les Prestres papistes ont appris de  
 Nume, de confesser les pechés deuant  
 les solennitez de la Messe ; car c'estoit  
 aussi

Fol. 31. 2.

Fol. 36. 2.



aussi la coustume des Idolatres, qu'au commencement de leur Service diuin, premierement ils se confessoient coupables, & tenoyent les yeux fichez vers la terre. En cette coustume, laquelle autrement personne de sain entendement n'improuuera, si les Papistes commettent chose digne de reprehension, je n'entreprend pas de les excuser. Mais si cela est leur seul crime, que les Ethniques ont fait quelque chose de semblable; qu'y aura-il en la plus pure & moins corrompue sorte de religion, qui puisse estre exempt de blasme? Outre que nous n'ignorons pas que les Sacrificateurs sous la vieille Loy, souloyent sacrifier les primes victimes pour leurs pechez propres; ce que je pense, nul ne voudra dire qu'ils eussent emprunté des Idolatres. Que si tout d'un coup on veut nier à ce lantercier, qu'il faille incontinent rejeter tout ce que nous auons de cõmun en la Religion avec les Gẽtils, toute la masse de son liure trebusche & tombe par terre. Car c'est le seul fondement sur lequel tant de

fades & impertinentes disputes, tant de foibles & fausses accusations, sont toutes basties. Et se peut aisément monstrier quelle a esté l'opinion des SS. Peres sur ce subject, par maints de leurs tesmoignages. *D'autant que nous adorions les Idoles*, ( s'escrie S. Hierosime contre Vigilance ) *n'adorerons nous point Dieu maintenant, pour ne sembler l'adorer de pareil honneur avec elles?* Et S. Augustin contre Fauste, *La virginité des Religieuses n'est pas*, dit il, *pource plustost à blasmer, qu'il y a aussi eu des Vierges Vestales.* Pareillement Tertullian au liure des Prescriptions contre les heretiques, monstre bien fort amplement, que les Gentils ont eu certaines coustumes fort semblables aux mysteres de nostre religion. Au reste, tant s'en faut que les anciens Chrestiens ayent rejezté toutes les institutions des Payens, que mesme par vne prudente condescension, autant que la pieté l'a peu permettre, ils se sont accommodez à leurs coustumes, afin de les pouvoir attirer plus aisément à choses de plus grand

grand poids ; comme a esté remarqué par plusieurs doctes personnages , & se peut prouuer d'un monde d'exemples. Mais pour refuter ce venerable, voire & le conuaincre d'impieté manifeste, ses propres paroles suffisent. Car lui, qui autrement condamne avec tant d'aigreur tout ce qui chez les Papistes semble auoir quelque ressemblance aux vs & coustumes des Payens ( & ce non pour autre cause que pource qu'il leur ressemble ) escrit neantmoins en plus d'un endroit, que Christ pour instituer les Sacremens du Nouveau Testament, auoit choisi des signes communs aux sacrifices des Iuifs & Gentils, à ce que toutes nations admissent plus volontiers ces coustumes qui leur estoient desja vusuelles. Quant aux Gentils, si Christ a eu égard à leurs vs & ceremonies, je ne l'ose pas temerairement asseurer. Mais certes, qu'il se soit accommodé tellement aux Iuifs, qu'il n'ait rien institué, pour ce qui est des ceremonies, que ce qui leur estoit desja cognu & vulgaire; il y

Fol. 14. 15.

a plusieurs doctes personnages, qui le prouuent par tout plein de tesmoignages du Talmud & des Escrits des Hebreux. Quoi donc? ceux qui en choses indifferentes, & sans preiudice de la pieté, suivent l'exemple de Christ, seront-ils tenus pour impies & profanes? Et ne seront point plustost tenus pour profanes & pour impies, ceux qui afin de se moquer plus librement des Aduersaires, ne pardonnent point à la sainte & sacree parole de Dieu, & ne s'abstiennent d'horribles blasphemés? En quoi combien vaillamment cette ame execrable a exploitée, suffira de le montrer par vn seul exemple.

Pl. 43.4 Dauid se resjouit en ces mots, *J'entrerai à l'autel de Dieu, à Dieu qui resjouit ma ieunesse.* Et de ces mots, ce bouffon blasphème se gausse de cette sorte; *Numa le Magicien auoit opinion de grand' sainteté en ces viemens, tordions, & conuersations du corps du sacrificeur. C'est, comme on peut coniecturer, l'occasion d'auoir adionsté à l'introite misal,*  
ce

ce chant assez plaisant, quand le sacrificateur commence à faire ses *Vironnades* & *tordions*, l'entrerai, dit il, à l'autel de Dieu qui resjouit ma jeunesse. N'a-il pas iuste cause de se resjouir, quand il void la nape mise, la table dressée, le banquet préparé, la musique des Orgues & autres instruments resonner, les odeurs, les encensemens, le calice plein de vin, la collation apprestée, & la coquille ou offertoire pour emplir sa bourse? Ne sont-ce pas tous moyens pour resjouir la jeunesse du sacrificateur entrant à l'autel pour missatiser, *virer* & danser à la forme à lui prescrite par Numa le Magicien? Vn bon Pere se plaignoit jadis de certaine Ville, en ces mots, Laquelle, disoit il, s'efforce de bouffonner és choses diuines, à ce qu'en toute autre chose elle se puisse plus tost gausser de ce qui est bonnesté, que de laisser passer ce qui est ridicule, sans riser. Et c'est auiourdhuy la faute d'un bien grand nombre de gens, de gausser és choses sacrées, & és choses serieuses affecter le nom de facetieux.

Je pensoy faire ici la fin, sinon que j'ai fait

fait grand' conscience de passer sous silence l'atroce injure faite aux sacrez Empereurs, & aux Anciens Euesques de Rome. Car ce furieux dit que les Euesques

Fol. 13. & c.

“ques Romains, qui se disoyent & vou-  
“loyét estre tenus Chrestiens, n'ont butté,  
“ny visé à autre chose, par l'espace de trois  
“ou quatre cens ans, qu'à corrompre l'v-  
“sage des Sacrements, & r'establir les Cere-  
“monies de Iuifs, & maudites Idolatries  
Fol. 43. “des Payens. Et de Gregoire I. par espe-  
“cial, il dit qu'il a esté bien instruit en la  
“Magie & Philosophie Pithagorique, &  
“entendu auz loiz de Tullius Hostilius  
“successeur de Nume, & a enrichi la Messe  
“de tout plein d'additions magiques. A-  
avec quel visage & avec quels yeux, est-il  
croyable que ces bien heureuses ames,  
si elles ont quelque sentiment, puissent  
regarder des Cieux ce Lou-garou inco-  
nu, qui apres tant de siecles ose querel-  
ler leur foy (laquelle la plus part d'en-  
treuz, glorieux Martirs qu'ils ont esté,  
ont sceellée de leur propre sang) & les ac-  
cuser de la mesme impieté que jadis ont  
fait

fait leurs persecuteurs les plus cruels? Quelle injure cependant est faite à mon Pere, à qui les detestables resueries de ce lunatique sont attribuees? Et bien que j'espere que fort peu en doutent, si ne me semble-il hors de propos, specialement en faueur de ceux qui ne font pas profession de lettres, de rapporter ici quelques siens passages. Ainsi donc dit-il en ses Exercitations; *Nul bien versé en l'Histoire Ecclesiastique ne peut ignorer, que Dieu ne se soit serui par plusieurs siècles, du ministère des Papes Romains, pour conseruer saine & entiere la doctrine de la vraye foy. Là mesme; Nous sommes venus à Leon le grand, duquel Pape quelle honorable opinion nous auons, je le vai declarer tout maintenant. Car nous n'ignorons pas combien grand desenseur il a esté de la droite foy, & combien pour elle il a souffert de trauaux, & combien utiles à l'Eglise. Et en autre part, de Gregoire premier; C. Gregoire non seulement de surnom, mais aussi en faits, fut & grand & saint; & certes le vray Phœnix de son aage,*

Pag 434.

*ja tirant fort vers l'aage de fer. Qui est ce que nous croyons, & sommes prests de rendre raison de cette creance. Sans doute on pourroit tirer de lui plus de preuues sur ce subyet, si quelcun vouloit tant soit peu fucilleter ses liures; Mais j'espere que ceux cy seruiron, qui me sont maintenant venus plus en main.*

*Je vien à traiter des Empereurs Romains, lesquels il afferme opiniaistrement auoir tous esté ennemis du nom Chrestien, & aspres obseruateurs de la superstition de leurs deuanciers. Car il prononce en mots expres, que par l'espace de 400 ans, les Empereurs Romains & le Senat, ont tousjours esté cōtraires & grands ennemis de la loy de Christ, & que par l'espace de 700. ans, ou enuiron, il n'y eut à Rome aucun Empereur, Roy, ou Prince, qui ait voulu embrasser le Christianisme. On pourra (dit il) possible obijcer Un Philippe, qu'aucuns vantent auoir esté conuerti au Saint Baptesme, les mœurs duquel tant deprauees ont donné occasion aux plus certains historiens,*



riens, de l'auoir descrit indigne du nom de Chrestien. Ils adjousteront encore *Conslanstin*, qui assemblea le Concile de Nice; mais son siege estoit en Grece, où estoit l'Empire d'Orient. Et encor ne put-il onc estre persuadé d'estre regeneré par le sang de Christ au Baptesme, jusqu'à son 79. an, qu'il estoit tout prest de mourir; & lors fut il baptisé par *Eusebe de Nicomedie*, *Euesque Arrien*: pourtant *Siluestre* n'a dequoi se glorifier de la conuersion de cestui-cy.

Bon Dieu, quelle portentueuse licence de mentir, en ce malheureux! quelles fontaines, quelles mers, pourront lauer la vilenie & impureté de ce virulent Imposteur? Quoi donc? *Constantin le Grand*, & *Iouinian*, & *Valentinian*, & *Gratian*, & ce noble & grand *Theodose*, glorieux pour tant de nobles exploits, & louanges des Chrestiens; & plusieurs autres dans ce temps là, n'ont ils point esté Chrestiens? Car quant à ce qu'il nie que *Constantin* ait esté Chrestien, pource qu'il differe son baptesme par vn si long temps; chacun fait assez que ce

religieux Prince le fit selon vne coustume courante pour lors. Car plusieurs en ce siecle-là, qui de bonne foi s'estoyent enrolez sous le nom de Christ, se trouuent auoir ainsi differé de se baptiser: Parce que croyans que tous les pechez de la vie passée estoient repurgez par ce sacré lauement, ils l'estimoient lors plus à propos (comme Eusebe tesmoigne en la vie de Constantin l.4.c.61.) lors que l'homme n'auoit pas beaucoup à viure; à ce que par ce moyen, l'ame plus nette & purifiée, il se peult configner plus alaigrement à la mort. A laquelle coustume, comme hazardeuse & de dangereux succès, les Peres Grecs & Latins qui florissoient de ces temps là, s'opposèrent vigoureusement, & finalement la destruisirent. Mais Constantin auoit vne particuliere raison de deuotion, (qu'aussi Eusebe declare) qu'il desiroit souuerainement, ou auoit fait vœu, s'il plaisoit à Dieu de lui prolonger la vie, d'estre baptisé dans le Iordain.

Que

Que s'il faut croire qu'il a abhorré la foy Chrestienne, pource qu'il fut tard baptisé; que dirons nous donc de Valentinian, lequel differant ainsi son baptisme, fut preueni de la mort? Et que dirons nous de S. Ambroise, qui indubitablement apres sa mort a creu qu'il estoit receu au Ciel? ne faisant nul doute qu'il n'eust vescu, & fust mort tresbon Chrestien? Mais ce nous sera du contentement, de l'ouir lui mesme consolant les Sœurs du deffunt; l'entens, dit il, *que vous estes affligees, pource qu'il n'a point receu le Sacrement de Baptisme. Dites moi, qu'y a il en nous de plus que la volonte? voire la requeste? Or est-il qu'il y a long temps qu'il le desiroit, dès qu'il se trouueroit en Italie, m'ayant mandé qu'il vouloit estre baptisé de moi; & pource, outre quelques autres causes, il faisoit estat de m'appeler. N'a-il donc point la grace qu'il a desirée? qu'il a demandée? Certes, pource qu'il l'a desirée, il l'a receüe. Et peu apres parlant à Dieu; Celui qui a eu ton Esprit, comment n'a-il point receu ta grace? Que si pource que les mysteres*

*Ambros. de  
obitu Va-  
lent.*

n'ont pas esté so.ënelllement celebrez, cela nous esmeut; donc ni les Martirs, s'ils sont Cathemenes, ne sont pas couronnez. Car ils ne sont pas couronnez, s'ils ne sont baptisez. Que si ceux là sont lauez en leur propre sang; cestuicy, sa pieté & son propos l'ont laué. Au reste, bien que Saint Hierosme soit d'opinion, que Constantin fut baptisé par vn Euesque Arrien: si est-ce que la contraire opinio a aussi de bons Auteurs. Et quant aux autres Empereurs Romains ou forains, qui suivirent prochainement les temps de Theodose le Grand, quoi qu'ilz furent infectez pour la plu-part de l'heresie Arrienne, ils furent pourtant Chrestiens: & ce qui fait plus à ce propos, furent tous grandissimement esloignez de toute opinion de Paganisme.

Quant au rapport de Symmaque, (que ce zelé insensé nomme faussement Response, peur qu'il ne soit contraint confesser que ceux là ayent supplié pour leur Religion, qu'il maintient, & en nombre & en autorité auoir tenu le dessus) il faut vn peu soigneusement examiner

miner cet affaire, en quoi il fonde toute la defense de sa cause, pour prouuer que le Senat Romain, & nul des Senateurs, (ainsi en parle-il) n'ont jamais pu estre amenez à la foi Chrestienne. Voici donc comme va l'affaire. Les Ethniques enuoierent Symmaque à *Valentinian*, pour la restitution de l'autel de la Victoire, & ne l'impetrerent point. Au moins donc l'Empereur n'estoit pas Payen. Mais qui fut-ce qui demanda cela? *Tant s'en faut*, dit *S. Ambroise* contre le rapport de Symmaque, que tout le Senat ait onc demandé cela. C'est un petit nombre de Gentils qui osent d'un nom commun. Car il y a pres de deux ans, quand ils essayerent de faire la mesme requeste, *S. Damase* par le jugement de Dieu esleu Prestre de l'Eglise Romaine, m'enuoya vne declaration, que les Senateurs Chrestiens lui auoyent donnée en grand nombre, desaduouans d'auoir jamais rien mandé de tel, & qu'il ne conuenoit pas que vous consentissiez à telles requestes des Gentils. En outre se plaignans en public & priué, qu'ils cesseroient d'entrer au Senat, si cela estoit decreté.

cretè. Est-ce vne chose digne de vos temps, je veux dire de temps Chrestiens, que la dignité des Senateurs Chrestiens soit diminuee, à ce qu'on permette aux Senateurs Payens l'effect de leur volonté profane? Et pour moi, je fis tenir cette Declaration au Frere de vostre Clemence; par où appert que le Senat n'auoit rien commis aux deputez, touchant les despeses de la superstition. Or que chacun voye maintenant lequel il vaut mieux, ou d'adjouster foi à ce saint Prelat, tel-moin oculaire des procedures de son temps, ou à vn impudent vau-rien, ou grossierement ignorant, ou tres-malignement desguisant toutes les choses de l'antiquité.

Reste pour la fin, comme j'auoy promis au commencement, que je die vn mot d'un liure que mon Pere auoit entrepris de mesme subiect: ce qui s'expediera beaucoup mieux par ses propres mots. En sa Preface sur ses Exercitations contre *Baronius*; j'ai briefuement touché quelques choses, & plus amplement quelques autres, comme la doctrine de la tres-sainte

sainte Eucharistie, de laquelle, tandis que je  
presse Baronius pas à pas, j'ai escrit trois dis-  
cours entiers; l'un, des diuers noms de ce Sa-  
crement chez les Anciens; l'autre, de la Tran-  
substanciacion; le tiers, du genre de Sa-  
crifice des Chrestiens; m'estant efforcé non  
moins sincerement & nuement que diligem-  
ment, de rapporter la doctrine des premiers  
siecles. Quant au premier, il est imprimé  
en ses Exercitations mesmes; des deux  
autres, lui mesme en parle ainsi es  
mesmes Exercitations en ces mots; Pag. 578.  
Et ceci suffise pour le present, touchant les  
diuerfes appellations de ce Sacrement. Restoit  
que je vinsse à la seconde partie de la digres-  
sion de Baronius, qui est de la Transubstan-  
tiation; & d'examiner soigneusement, quelle  
a esté la foy de la primitiue Eglise, sur cet ar-  
ticle. Mais comme ma response à cete partie,  
& ensemble à la troisieme, du sacrifice de  
l'Eglise Chrestienne, montaist jusqu'à vne  
masse beaucoup plus grande que du commence-  
mēt je n'auoy pensé, j'ai estimé plus à propos de  
les faire imprimer cy apres à part, & qu'elles  
ne retardassent point l'edition de ce present

*amre.* Or comme il eust pleu à Dieu d'appeler mon Pere plustost, il ne les a jamais imprimees, & s'il les a laissées acheuees, ou non, c'est ce que je ne say pas; rien n'en estant jamais venu jusqu'à moi. Mais quoi que ce soit, il n'y a aussi rien de Casaubon, horsmis le nom, en tout le liure que j'impugne maintenant; rien de sa candeur, rien de son intégrité, rien de sa diligence tres-exacte, rien du tout de sa methode encommencee & ordinaire. Tout ce que mon Pere auoit promis, il l'auoit amoncelé des Peres & Anciens Escriptuains. Ici, nulle mention de Peres, & nuls tesmoignages d'eux; sinon trois ou quatre au plus, amenez comme en passant, sur la fin du liure. Ce que j'ai rapporté de ses Exercitations, il l'escriuit l'an 1614. L'Original François, dont cette versio Angloise est tournée (si bien je m'en souuiens, car je ne l'ai peu voir qu'une seule fois) est, daté de l'an 1607. Si à fauz ou à vray, Dieu le fait. Auquel tems mon Pere viuoit à Paris, y ayant esté appelé pour la  
pro-



profession des bonnes lettres, par le Roy tres-chrestien Henry le Grand; & mon Pere ayant lors demandé congé à S. M. de refuter modestement les Annales de Baronius, en fut refusé. Et en la mesme année 1607. fut imprimé son liure de la Liberté Ecclesiastique, voire sans y mettre le nom de l'Auteur; Mais cela n'y profita rien. Car comme il n'y auoit encore qu'une bien petite partie du liure imprimée, l'edition en fut defendue par commandement du Roy, & mon Pere contraint de rompre le fil de son dessein encommencé. Eust-il donc osé en ce tems là, en ce lieu là, imprimer vn liure si violent, si virulent, & si inique contre les Papistes, comme est ce malotru liure? Et s'il l'eust fait, fust il eschappé sans chastiment? Et où dormoyent lors tant d'Aduersaires, qui se sont si fierement opposez à lui, dès qu'estant en Angleterre il commença de traiter des choses touchant la religion? J'ai par deuers moi vn Catalogue de sa propre main, de tous les

œuvres

68 *Merie Casaubon Vangeur.*

ceures qu'il a imprimé; pourquoy eût-il obmis cetui cy? Mais quel besoin d'insister plus outre sur ce sujet, puis que l'imposture de ces bastleurs est & decouuerte & descrite? lesquels à vn liure François sans nom comme il s'en imprime plusieurs en France, spécialement Theologiques, ont par vn tour d'Imprimeur, artificieusement adjousté le nom de Casaubon; & à vn vieux liure suranné ont donné vne ieune face; & toute nouuelle, ayans faussemēt alteré les caracteres Arithmetiques de la date; s'estimans assez assurez, s'ils pouuoient seulement se forger la moindre couleur de décharger le crime de leur imposture, sur autrui. Cependant il importoit grandement à la verité, & à tous presens & à venir, qu'il n'y eust pas faute de gens de bien en tout tems, qui pussent & decouvrir les impostures des méchans, & les châtier.

FIN



